

Godišnje izvješće UG NARKO-NE za 2011. godinu

Riječ predsjednika

1. Menadžment

- 1.1. Struktura i razvoj organizacije
- 1.2. Unapređenje prevencije ovisnosti
- 1.3. Usavršavanje, umrežavanje, lobiranje i prikupljanje sredstava
- 1.4. Razvoj kapaciteta osoblja
- 1.5. Rad s javnošću

2. Projekti

- 2.1. Stariji brat, starija sestra, Alma *Hadžiskakić*, *projekt koordinatorica*
- 2.2. Mreža *Stariji brat, starija sestra* BiH, s. *Magdalena Schildknecht*, *direktorica*
- 2.3. Usavršavanje mentorica za rad s grupama volontera/ki, *Nataša Kovačević*, *program menadžerica*
- 2.4. Intercity teatar projekt, *Andrea Mijatović*, *projekt koordinatorica*
- 2.5. PREVENTEEN magazin za mlade, *Andrea Mijatović*, *projekt koordinatorica*
- 2.6. Intercity media projekt, *Andrea Mijatović*, *projekt koordinatorica*
- 2.7. Interkulturalne kreativne sedmice/tjedni IKS, s. *Magdalena Schildknecht*, *direktorica*

3. Događaji

- 3.1. Proslava Dana Udruženja, 1. 10. 2011.
- 3.2. Dan volonterizma, 5. 12. 2011.

4. Rukovodstvo i osoblje

- 4.1. Djelovanje Upravnog odbora
- 4.2. Organigram
- 4.3. Osoblje

Sarajevo, 27. 3. 2012. godine

Riječ predsjednika

Prof. dr. Ismet Dizdarević, predsjednik UG NARKO-NE

Prošla godina, kao i ranijih devet godina, pokazala je ono što činimo, kako činimo i zašto činimo u uvjetima u kojima smo se nalazili. Ishodi aktivnosti koji su ostali iza nas uvjerljivo su pokazali koliko korisnog smo uradili u ostvarivanju primarnih ciljeva našeg udruženja – prevenciji ovisnosti, posebno u preveniranju potencijalno mogućeg broja mladih ljudi koji su mogli krenuti stranputicom, krenuti stazama koje obično sadržavaju prvo, spontano ili po nagovoru drugih, probavanje i to, u početku, „lakših“, a kasnije „težih“ psihoaktivnih supstanci, a zatim „pomahnitalo“ konzumiranje sve većih doza droge koja vodi do stanja očaja i nemoći te na stranputice, odnosno u stanje kobnog kraja.

Sadržaj i način našeg raznovrsnog, svrsishodnog i predanog aktiviteta mladih i starijih volontera omogućavali su djeci i mladima, posebno djeci u riziku, da svojim sudjelovanjem u bilo kojem obliku tradicionalnih i „uhodanih“ ili (i) kreativnim traganjem pronađenih novih vidova djelovanja učine svoje slobodno vrijeme zanimljivim, tjelesno, duševno i duhovno bogatijim, odgojno i obrazovno primjerenijim i, sigurno, korisnim za društvenu sredinu u kojoj se ovi oblici *NARKO-NE* aktiviteta odvijaju.

Analiza naših prošlogodišnjih aktivnosti, ali ne samo ishoda već i procesa odvijanja, uvjerljivo pokazuje da su aktivnosti udruženja *NARKO-NE*, u svojoj biti, bile i specifični oblici učilišta kroz koje su mladi volonteri, aktivni sudionici, stjecali nova znanja, nove vještine, nove načine kreativnog oblikovanja stvarnosti, u kojima su učenici izrastali u učitelje. Ovakve, uspješne rezultate, nevladina organizacija *NARKO-NE* mogla je ostvariti zahvaljujući dobrom poznavanju vremena i okolnosti u kojima danas mladi ljudi žive, njihovih potreba, znanja i interesa, ali i dobrom poznavanju i znalačkoj primjeni znanstvenih spoznaja o psihološki najpogodnijim organizacijskim okvirima i oblicima djelovanja.

Nije moguće navesti sve pojedince, skupine i organizacije koji su, svojom nesebičnom i konstruktivnom pomoći, doprinijeli našim uspjesima. Nalazimo se u jubilarnoj godini našeg desetogodišnjeg djelovanja i bit ćemo u prilici da u danima svečanog obilježavanja našeg dugogodišnjeg plodnog, višestruko korisnog aktiviteta, odamo i tim pojedincima i skupinama zahvalnost za sve njihove, zaista velike, doprinose.

Iskazivanjem naše zahvalnosti svim akterima koji su djelovali izvan *NARKO-NE-a*, a koji su značajno uticali na naše koncepcije, tokove i evaluacije ishoda, nećemo niti možemo zaboraviti vrlo plodonosno djelovanje odraslih volontera, članova Upravnog i Nadzornog odbora i neumornih, profesionalno dobro usmjerenih i inventivno nadarenih uposlenika menadžmenta koje izrazito uspješno vodi, potiče i educira Magdalena Schildknecht, s. Magdalena koju, brojni mladi volonteri, doživljavaju ne samo vrsnom psihologinjom i učiteljicom, već i prisnom starijom sestricom.

1. Menadžment

S. Magdalena Schildknecht, direktorica UG NARKO-NE

1.1 Struktura i razvoj organizacije

Tijekom 2011. godine se NARKO-NE tim kontinuirano razvijao i stabilizirao.

Na samom početku godine, Aida Šehagić je prešla na pola radnog vremena te je preuzela isključivo obveze koje se tiču administrativno-računovodstvenih poslova.

21. 2. 2011. zaposlena je Nataša Kovačević, mr. sc. psih. kao menadžerica projekta *Usavršavanje mentorica*. Preuzela je i zadatke menadžera organizacije: Uvođenje sustava kvalitete, lobiranje i prikupljanje sredstava.

Dženana Torlak, BSc. scr., završila je pripravnički staž 31. 5. 2011. koji je obavila u *Službi socijalne zaštite* Općine Ilidža četiri dana u tjednu, a jedan dan u NARKO-NE-u kao projektna asistentica *Stariji brat, starija sestra*. 2011.

U 2011. godini UG NARKO-NE posebnu pozornost posvetilo je profesionalizaciji uposlenica i razvoju organizacije.

Seminari i edukacije

Jan – dec 2011.	Deset edukativnih supervizija s dvije supervizorice psihoterapeutkinje
2. - 4. 2. 2011.	Seminar: Inovativne metode u radu s volonterima, <i>Amica Educa, Tuzla</i>
22. 3. 2011.	Workshop: Coaching volontera/ki – studenata, <i>Hedy Anderegg-Tschudin, Zürich</i>
21. 10. 2011.	Webinar: How to raise Funds from European Foundations, <i>Meghan Arakelian</i>
10. - 11. 11. 2011.	Seminar: Planiranje i realizacija specijalnih događaja, <i>CPCD</i>
6. - 8. 12. 2011.	Seminar: PR i komunikacijski alati za promociju programa neformalnog obrazovanja u medijima i javnosti, <i>KULT</i>

Razvoj organizacije i tima

21. 7. – 31. 12. 2011.	Pet dana strateškog planiranja 2012. – 2014., <i>Izbor Plus: Elmida Sarić</i>
Od 1. 4. 2011.	Uvođenje sistema kvaliteta prema ISO 9001:2008 za NVO, uz četiri dana edukacije i potpore koju pruža <i>Centar za promociju civilnog društva (CPCD)</i> .

Snaga tima se posebno pokazala u organiziranju događaja s velikim skupinama volontera/ki:

29. 3. 2011.	Deveta redovna godišnja Skupština UG NARKO-NE
21. 5. 2011.	Jednodnevni izlet u Zenicu, Mreža <i>Stariji brat, starija sestra</i> BiH
7. – 9. 6. 2011.	Dani zdravstva Federacije B I H, <i>Federalno Ministarstvo Zdravstva FBiH</i>
29. 7. 2011.	Proslava deset godina <i>Interkulturalnih kreativnih sedmica/tjedna IKS</i>
1. 10. 2011.	Dan UG NARKO-NE sa 150 sudionika/ica iz 14 bh. gradova
5. 12. 2011.	Organizacija Međunarodnog dana volontera, <i>suradnja sa 11 NVO</i>

1.2 Unapređenje prevencije ovisnosti

UG NARKO-NE aktivno radi na univerzalnoj i selektivnoj primarnoj prevenciji već posljednjih deset godina. Projekti „**univerzalne**“ prevencije usmjereni su na svu djecu i mlade i njihovo socijalno okruženje da bi se u potpunosti spriječio ili odgodio početak ovisničkog ponašanja i zlouporabe supstanci, pružajući svim uključenima informacije i vještine nužne za rješavanje problema.

Za razliku od univerzalne, projekti **selektivne** prevencije namijenjeni su **djeci** koja su smještena u domove za djecu bez roditeljskog staranja ili potiču iz materijalno i socijalno ugroženih porodica, tj. odgojno zapostavljenoj djeci, kojoj je otežano odrastanje u zdravu, društveno integriranu, socijalno i radno sposobnu ličnost. Svrha projekata je spriječiti socijalnu isključenost te upuštanje u rizična ponašanja povezana sa svijetom nasilja, kriminala i ovisnosti.

U tom pogledu osobita pozornost unapređenju pridaje se projektu **Usavršavanje mentorica za rad sa grupama volontera koji rade sa grupama djece** putem kojeg se nastoje osnažiti mlade žene, mentorice, za rad s mladima koji rade s djecom iz marginaliziranih, zapuštenih i problematičnih skupina.

S tim ciljem projektni tim je razvio novi koncept za projekt *Coaching studenata/ica* **Uspješno studiranje od početka** pri čemu skupini studenata/ica koji prvi put upisuju fakultet i borave u Sarajevu pružaju podršku u snalaženju sa procedurama i strukturama na fakultetu i u studentskom životu.

Radeći različite projekte u manjim gradovima primijetili smo da djevojke nerijetko odustaju od aktivnog učešća na projektima. Iz istog razloga odlučili smo se za reaktivaciju postojećeg projekta *Trening životnih vještina* s nešto izmijenjenim i prilagođenim sadržajem potrebama skupine djevojaka pod naslovom *Zdravlje iz prirode, istraživačke radionice za djevojke*.

Kontinuirani monitoring, u kojem aktivno participiraju i volonteri/ke, postao je sastavni mehanizam svakog projektnog menadžmenta i projektno koordinatore ga primjenjuju sistematično.

1.3 Usavršavanje, umrežavanje, lobiranje i prikupljanje sredstava

UG NARKO-NE se u 2011. godini nalazi u fazi profesionalizacije i konsolidacije, prema procjeni naših konzultanata iz donatorskih organizacija. Kao posljedica se nameće uvođenje profesionalnog sistema kvaliteta prema ISO 9001:2008. Osim toga intenzivirali su se napori za povezivanje sa drugim vladinim i nevladinim organizacijama s ciljem izgradnje funkcionalnog civilnog sektora.

Korištene prilike za povezivanje:

- a) Informativni sastanci:** Članice UG NARKO-NE tima odazvale su se na 35 informativnih sastanaka. Primjeri tema: *Izveštavanje o aktivnostima učesnika; Rad karitativnih organizacija (CIA); Assesment iskustava iz omladinskog rada (Nansen dijalog centra); Budžetski procesi (Mreža Sporazum plus); Međunarodni Dan volontera; Result oriented monitoring (ROM) (TACSO) itd.*
- b) Seminari, edukativni događaji:** Članice UG NARKO-NE tima sudjelovale su na 16 ovakvih događaja. Neke teme: *Inovativne metode i tehnike za rad s djecom i mladima; Upravljanje projektnim ciklusom - monitoring, evaluacija, izveštavanje; Raznolikost u društvenom i obrazovnom radu sa djecom, adolescentima i njihovim obiteljima; Zagovaranje i lobiranje; Osiguranje standarda kvaliteta.* Nažalost, sve manja je ponuda eksternih edukacija na polju **Rad s mladima** ili **Zdravlja mladih**, s naglaskom na prevenciji ovisnosti
- c) 16 interaktivnih sastanaka** uključile su se zaposlenice UG NARKO-NE koje su organizirale: NVO-vijeće; skupina Mladi pri NVO-vijeću, *Mreža Sporazum plus, Centar za kulturu dijaloga, Kruh sv. Ante*
- d) Podršku aktivizmu mladih/volontera** su na osam događaja, na kojima su sudjelovale članice NARKO-NE tima zajedno s volonterima/kama, dali - pridružujući se: *OIA - Dan aktivizma mladih; Kids' Festival (Viakult); Svjetski dan borbe protiv pušenja (PJZ); Dani zdravstva (PJZ); Trka protiv droge (UG PRO); Dan volonterizma (sa 11 NVO); Seminari za omladinske lidere (SEEYN).*

Naši projekti za 2011. godinu su financirani sa 96% sredstava internacionalnih donatora, a uložili smo velike napore da uđemo u sufinansiranje iz državnih budžeta. Izradili smo projekte i **aplicirali na deset** poziva za sufinansiranje iz državnih budžeta na: općinskoj, gradskoj, kantonalnoj, federalnoj i državnoj razini. Aplicirali smo za grantove dvije mjesne nevladine organizacije te četiri internacionalne organizacije. Međutim, rezultati su bili vrlo slabi.

UG NARKO-NE je u 2011. aktivno sudjelovao u radu različitih **mreža i asocijacija**:

1. Mreža *Stariji brat, starija sestra BiH*, u kojoj je UG NARKO-NE i vodeća organizacija za razvoj strukture i monitoring s menadžericama te stručno osposobljavanje koordinatora/ica mjesnih projekata;
2. NVO-vijeće fokusirano je na zastupanje interesa nevladinog sektora i osnaživanje njegovog razvoja;
3. *Mrežom volonterskog dnevnika* želi se osigurati dostupnost verificiranja stečenog znanja i radnog iskustva svim volonterima/kama te proširiti i održati dobrovoljno djelovanje;
4. CIDI projekt je projekt izgradnje kapaciteta civilnog društva za sudjelovanje u društvenom dijalogu u BiH;
5. *Mreža pravde* je neformalna mreža 52 nevladine organizacije koja djeluje u oblasti vladavine prava i zaštite ljudskih prava u cilju potpore efikasnosti, neovisnosti i odgovornosti pravosudnog sistema BiH, kao i kvalitetnog informiranja, obrazovanja i zastupanja interesa građanki i građana u sektoru pravde;
6. Mreža *Sporazum plus* je neformalna, otvorena nevladina mreža koja okuplja nevladine organizacije koje su izrazile interes da dio svojih resursa posvete procesu izrade i primjene Sporazuma o suradnji između vladinog i NVO sektora na svim razinama vlasti u BiH;
7. *Mreža za izgradnju mira* podržava konkretne inicijative vezane uz područja javnih politika koje su prepoznate kao ključne za dugoročnu izgradnju mira u BiH;
8. *Anti Drugs East Europe Network ADEEN* je mreža organizacija iz Istočne i Jugoistočne Europe koje razmjenjuju iskustva na temu smanjenja potražnje droga, a nastala je kao reakcija na nove izazove na polju potražnje i zlouporabe droga;
9. *Anna Lindh Foundation* – svrha mreže je povezati ljude s Mediterana kako bi se poboljšalo međusobno poštovanje različitih kultura, a mrežu čine 43 zemlje. Jedan od fokusa djelovanja su mladi i edukacija.

1.4 Razvoj kapaciteta osoblja

Uposlenice UG NARKO-NE kontinuirano rade na vlastitom usavršavanju na različite načine. Osim što su svakodnevno izložene novim zahtjevima i izazovima u okviru svojih projekata, po potrebi i kada se ukaže prilika, posjećuju različite edukativne seminare i treninge u okviru svojih interesa i potreba.

Osim zajedničkih treninga koji su za cilj imali profesionalizaciju tima i razvoj timskih vještina, vještina komuniciranja i dobivanje novih znanja za rad sa volonterima i djecom, uposlenice su i od naše inostrane konsultantice imale priliku dobiti savjete kako unaprijediti individualni rad i praćenje volontera/ki (coaching). Coaching je sastavni način praćenja volontera/ki u sklopu naših projekata. Savjetovanje nam je pružila

Hedy Anderegg Tschudin koja je na jednodnevnim konsultacijama dala temeljne postavke na kojima se zasniva *coaching*.

Uposlenice su također s ciljem jačanja kapaciteta organizacije sudjelovale u *Needs assessmentu* koji je održala stručna suradnica *Jasenska Perović*, prilikom čega je ustanovljena potreba za osiguravanjem kvalitetnijih uvjeta rada s volonterima/kama i profesionalniji pristup suradnje s javnim sektorom.

Svaka od uposlenica imala je priliku sudjelovati u najmanje dvije edukacije koje su organizirale druge organizacije ili konzultantske kuće koje nude seminare i treninge za doedukaciju profesionalaca iz različitih oblasti NVO sektora.

1.5 Rad s javnošću

1. **Web-stranica** se redovno ažurira uz podršku volontera koji nastoje pisati informativno i u novinarskom stilu. U 2011. godini su postavljene 34 vijesti o događajima u projektima. Projektne koordinatorice koriste **Facebook** za komunikaciju s volonterima.

2. **Javne medije** smo informirali o većim događajima kao što su:

- *Dan Udruženja*, 1. 10. 2011: Informirali smo 23 medijske kuće, od kojih se 17 odazvalo i izvijestilo o događaju, dok je drugima poslan izvještaj;
- *Interkulturalne kreativne sedmice/tjedni* u Vitezu i Varešu, 9. 7. – 9. 8. 2011.: 12 puta se projekt predstavio u javnim bh. Medijima. Povodom desetogodišnjice IKS-a snimljen je dokumentarni film koji je radila Produkcijaska kuće *Magazin plus d.o.o. Visoko*. Film se emitirao u cijelom svijetu putem satelitskog programa televizije *Hayat*.
- Svako od tri izdanja **Preventeena** prosljedili smo na adrese 30 bh. medija kako bismo im preporučili mlade ljude kao sugovornike. Na ovaj način realizirala su se tri gostovanja.

2. Projekti

2.1 Stariji brat, starija sestra

Alma Hadžiskakić, dipl. scr., projekt koordinatorica

U 2011. godini u projekt *Stariji brat starija sestra* bilo je uključeno **30 volontera i 30 djece**. Projekt je realiziran u suradnji s *JU Kantonalni centar za socijalni rad Sarajevo* i *KJU Dom za djecu bez roditeljskog staranja*, na području **tri sarajevske općine**: Centar, Novi Grad Sarajevo i Ilidža.

U maju 2011. objavljen je **poziv za nove volontere** na fakultetima u Sarajevu: Filozofski, Političke nauke i Pedagoški fakultet, web-stranici organizacije te na *Facebook* profilu projekta.

Za studente koji su se prijavili za volontiranje organiziran je **intervju** kojeg su vodile projekt koordinatorica i pripravnica, višegodišnja volonterka u projektu. Na poziv za volontiranje prijavilo se 28 studenta/ica, a za volontiranje ih je **odabrano 13**. Tokom vođenja intervjua od studenata smo dobili informaciju da se od njih 28, koji su pristupili intervjuu, 14 prijavilo za volontiranje prema preporuci „starih“ volontera. U julu 13 novih volontera je sudjelovalo u **pripremnoj edukaciji** od osam radionica s ciljem da ih se pripremi za njihovu ulogu „starijeg brata, starije sestre“.

Za podršku volonterima u njihovom radu sa djecom organizirani su: **savjetodavni sastanci** koje su vodili stručni saradnici iz *JU Kantonalni centar za socijalni rad Sarajevo*, zajedno s projekt koordinatoricom iz *NARKO-NE-a*; te supervizija za volontere koji su više od jedne godine uključeni u projekt, a koju je vodila supervizorica.

Partneri i suradnici koji su sudjelovali u realizaciji projekta:

- Dženana Lepirica, psihologinja, *Služba socijalne zaštite* - Novi Grad Sarajevo;
- Nermin Omerović, psiholog i Selma Kršlak, pedagoginja, *Služba socijalne zaštite* – Ilidža;
- Supervizorica Azra Latić, mr. supervizije u socijalnom radu;
- Larisa Mahmutović, pedagoginja, *KJU Dom za djecu bez roditeljskog staranja*.

S volonterima je održan sljedeći broj sastanaka:

Savjetodavni sastanci	23
Radionice za rad na sebi	10
Supervizija	9

Osim savjetodavnih sastanaka volonteri su podršku mogli dobiti i na **individualnim sastancima** s projekt koordinatoricom. Sadržaj individualnih sastanaka vezan je za stavke ugovora na koje su se volonteri obvezali, a odnose se na ciljeve projekta te obveze organizacije.

Djeca i volonteri su se u sklopu projekta družili individualno, minimalno dva sata sedmično i tokom grupnih aktivnosti. Sadržaj **individualnih druženja** je kreirao svaki par za sebe, u zavisnosti od potreba djeteta.

Zajednička grupna druženja sve djece i volontera uključenih u projekt bila su: u januaru - **zimski izlet** na planinu Igman; u maju - na **ljetnom izletu** u sklopu *Mreže Stariji brat, starija sestra*; u decembru na radionici za *Kreiranje kvalitetnog slobodnog vremena*. Djeca i volonteri tijekom druženja provedu minimalno oko 150 sati u različitim aktivnostima.

2.2 Mreža *Stariji brat, starija sestra* BiH

S. Magdalena Schildknecht, direktorica UG NARKO-NE

Neformalnu Mrežu *Stariji brat, starija sestra* BiH čini sedam nevladinih organizacija iz šest univerzitetskih gradova: *Banja Luka, Foča, Mostar, Sarajevo, Tuzla i Zenica*. Zajedničkim snagama se radilo na uspostavljenju funkcionalnih struktura, na izradi standarda kvalitete projekta te na umrežavanju korisnika na svim razinama: menadžerica, projektnih koordinatorica, volontera/ki i djece. U ulozi partnera donatorske organizacije **Renovabis**, NARKO-NE je sudjelovao u menadžmentu slijedećih zadataka:

- a) Rad na strukturama
 - Suradnja s Lahirom Sejfića, direktoricom organizacije *IPAK – Mladi grade budućnost*, poslodavcem koordinatorice Mreže *Melitom Husagić* u Tuzli, s ciljem razvoja radnog mjesta.
 - Sudjelovanje na evaluacijskom seminaru 23. i 24. 3. 2011. koje je *Hedy Anderegg-Tschudin* moderirala, te na seminaru za *Planiranje nastavka umrežavanja i pisanje projektne aplikacije za Renovabis*, koji je vodio program voditelja TACSO (*Technical Assistance for Civil Society Organizations* u BiH) 2. i 3. 11. 2011.
- b) Izrada standarda kvalitete
 - Vođenje dva jednodnevna seminarra s lokalnim projektnim koordinatorima za izradu i finaliziranje priručnika standarda kvalitete.
- c) Umrežavanje članica u Mreži
 - Vijeće menadžerica članica: Rad u Vijeću menadžerica na četiri jednodnevna monitoring-sastanaka.
 - Lokalni projektni koordinatori i stručni suradnici: Tri jednodnevna supervizijska sastanka pod vodstvom psihoterapeutkinje Azre Latić, mr. scr.
 - Volonteri/ke: Zajednički seminar za volontere i projektne koordinate 20. – 23. 10. 2011. na temu *Fundraising – s prosjačkim štapom ili s društveno odgovornim partnerima?* te realizacija lokalne kampanje za namicanje sredstava i doprinosa za druženje djece i volontera pod motom *Kad malo znači mnogo*
 - Djeca i volonteri/ke: Oko 220 osoba iz svih gradova sudjelovalo je na zajedničkom izletu u Zenici koji je organizirala koordinatorica Mreže s osobljem i volonterima iz *UG NARKO-NE* i *Medice* u Zenici.

Podrška prilikom pisanja projektnih aplikacija donatorima, te pokrenuta kampanja za namicanje sredstava za lokalne projekte u švicarskim župama još jedan je doprinos *NARKO-NE-a* razvoju Mreže *SBSS BiH*, odnosno socijalnom uključivanju djece u riziku te socijalnoj pravdi u BiH i Europi.

2.3 Usavršavanje mentorica za rad sa grupama volontera/ki

Nataša Kovačević, Aida Brdar i Alena Velagić, projekt koordinatorice

Projekt selektivne prevencije ovisnosti namijenjen je zapostavljenim gradovima i specifičnim institucijama koje rade s djecom, ali i na osposobljavanju mladih stručnjaka. Mentorice su radile na osnaživanju grupa volontera/ki učeći ih raditi sa grupama djece za aktivnije mjesto u: obitelji, njihovoj zajednici, ali i društvu u cjelini. U 2011. nastavljena je realizacija pet pilot-projekata kojima je primarno težište socijalno uključivanje, ali, naravno, neizostavno je prisutna prevencija ovisnosti i socijalno neprihvatljivih ponašanja.

2.3.1 Radionice za učenje, za djecu 6. i 7. razreda u Varešu i Brezi

Alena Velagić, dipl.psih., projekt koordinatorice

Projekt Radionice za učenje je projekt podrške učenicima/ama 6. i 7. razreda osnovnih škola. U projektu je sudjelovalo 11 educiranih volontera iz Vareša koji su realizirali 24 radionice podrške za izradu domaće zadaće i učenje za 20-ero djece iz osnovnih škola u Varešu i Vareš Majdanu. Osim toga, volonteri su imali zadatak da organiziraju završni izlet za djecu, ali da osmisle i predstave tijekom aktivnosti u projektu na proslavi Dana Udruženja, u oktobru 2011. godine.

U novembru 2011. počelo se sa realizacijom projekta u Brezi, i to na preporuku Pedagoškog zavoda Zeničko-dobojskog kantona. Tijekom 2011. godine za projekt je: uspostavljena suradnja sa srednjom školom, održano šest edukativnih radionica za volontere/ke, odabrani su učesnici-djeca za radionice. U prvoj polovici 2012. godine volonteri će realizirati 24 radionice s djecom na izradi domaće zadaće i usvajanju te razvoju prosocijalnih oblika ponašanja.

2.3.2 Igrom do prijateljstva, kreativne radionice za djecu u Varešu i Brezi

Alena Velagić, dipl.psih., projekt koordinatorica

Ciljna skupina projekta su učenici od 1. - 5. razreda osnovnih škola, koji s još deset srednjoškolaca/ki – volontera/ki sudjeluju u edukativno-kreativnim radionicama koje se odvijaju tijekom raspusta. Projekt je imao za cilj prevenciju ovisnosti, unapređenje zdravlja i razvoj socijalnih vještina srednjoškolaca/ki

(komunikacije, vještina planiranja i vođenja radionica, organizacijskih vještina, izgradnja odnosa sa autoritetima i sl.)

Projekt je realiziran u dva navrata. U **prvom ciklusu**, tijekom zimskog raspusta, sudjelovalo je sedam volontera/ki i 48 djece iz osnovne škole *Vareš Majdan*, a okončan je početkom marta. **Drugi ciklus**, uključujući i edukaciju volontera/ki i aktivnosti s djecom, organiziran je i realiziran tijekom ljetnih mjeseci 2011. godine. Radionice s djecom održane su u područnoj osnovnoj školi *Enver Čolaković* u Vijesolicima, općina Breza. U drugom ciklusu sudjelovalo je deset volontera/ki i 32-oje djece.

U projektu je ukupno sudjelovalo: **17 volontera i 80 djece**.

Značajan doprinos ovog projekta je generacijsko povezivanje djece uzrasta od 1. – 5. razreda osnovne škole te povezivanje djece iz osnovne škole sa srednjoškolcima.

2.3.3 Kreativno-edukativne radionice u Dnevnom centru za djecu koja obavljaju rad na ulici

Aida Brdar, dipl.scr., projekt koordinatorica

Kreativno-edukativne radionice u Dnevnom centru za djecu koja obavljaju rad na ulici je projekt u kojem su **četiri volontera i mentorica**, uz suradnju s timom Dnevnog centra, **održali 113**

radionica/izleta/sastanaka kojima je glavna svrha bila smanjiti broj djece s ulice, istovremeno ih educirajući, razvijajući njihove talente te učeći ih vještinama komunikacije i održavanju higijene. Specifičan cilj za volontere/ke je educirati ih da mogu sami planirati, organizirati i provoditi kreativne i edukativne aktivnosti u individualnom i grupnom radu s djecom.

Kao rezultat vidljivo je da djeca i volonteri stvaraju odnos povjerenja i poštovanja. Kod djece je evidentno da češće dolaze u Dnevni centar i manje borave na ulici. Volonteri pokazuju veću samostalnost i profesionalizaciju u vidu preuzimanja više odgovornosti, aktivniji su i otvoreniji, daju više sugestija i ideja, a iznad svega pokazuju veliku upornost u obavljanju zadataka, ma koliko teški oni bili.

2.3.4 Follow ups – edukativni volonterski angažman za bivše „mlađe sestre i braću“

Aida Brdar, dipl.scr., projekt koordinatorica

Projekt podrške srednjoškolcima – bivšim korisnicima projekta *Stariji brat, starija sestra*, trenutno je u drugoj fazi implementacije u čemu sudjeluje sedam volontera. Nakon **pilot-faze projekta** koji se sastojao uglavnom od edukativnih aktivnosti te praktične primjene stečenog znanja kroz prezentacije za učenike srednjih škola, javila se želja volontera da nastave sa angažmanom. U **drugoj fazi** projektnog ciklusa volonteri su angažirani u *Centru za zdravo starenje* u kojem provode dva sata sedmično s osobama treće životne dobi pri čemu rade različite aktivnosti, u ovisnosti od potrebe korisnika i osoblja Centra. S druge strane, volonterima je na raspolaganju pomoć za obavljanje školskih zadataka koju im pružaju osobe treće životne dobi, često bivši profesori/ice. Projektom se nastojalo educirati volontere na polju životnih, organizacijskih te komunikacijskih i vještina rada s djecom i osobama treće životne dobi. Svojim angažmanom i prezentacijama volonteri su promovirali volonterizam, a povećao se i stupanj njihove odgovornosti prema školskim obavezama. Uspjeh projekta posebno je vidljiv kod volontera koji je za manje od godinu dana uspio od sedam negativnih ocjena i neprimjerno vladanja (1), postići uspjeh da nema nijednu negativnu ocjenu i da ima primjerno vladanje (5).

Projekt, osim toga, jača saradničke veze *UG NARKO-NE* s drugim organizacijama i institucijama kao što su: *Centar za socijalni rad* i *Centar za zdravo starenje*, što daje kredibilitet i otvara nove mogućnosti radu Udruženja.

2.3.5 Uspješno studiranje od početka – coaching za studente prve godine

Nataša Kovačević, mr.psih., Alena Velagić, dipl.psih., projekt koordinatorice

Uspješno studiranje od početka je projekt namijenjen studentima iz ruralnih sredina koji su upisali prvu godinu studija u Sarajevu. Osmišljen s ciljem minimiziranja poteškoće u snalaženju u novom gradu, novom načinu učenja i rada. Od osam studenata/ica, koliko je do sada bilo uključeno u projekt, tri su bile pripadnice romske manjine. U protekloj godini projekt je imao dvije faze. **Prva faza** projekta je bazirana na individualnom *coachingu* studentica jednom tjedno. Prvi ciklus je bio usmjeren na psihološke teme, javno zdravlje i probleme ravnopravnosti. Na osnovu iskustva iz prve faze, osmišljena je **druga faza** u kojoj rade dvije psihologinje sa po dvoje/dvije studenata/ice. Cilj projekta je da studenti uspješno upišu drugu godinu. Sve teme usmjerene su na izgradnju uvjeta kako bi studenti razvili tehnike za učenje u skladu s vlastitim osobinama. Uz to se radilo na jačanju njihovog samopouzdanja i motivacije, a mentorice su nastojale izgraditi odnos povjerenja kako bi im pomogle u prevladavanju poteškoća i rješavanja problema.

2.3.6 Trening životnih vještina za djevojčice

Projekt je dizajniran za jačanje djevojčica 12-15 godina i bio je implementiran u dječjem školskom domu *All Walidein Gazzaz* u kojem je rad obustavljen zbog promjena u menadžmentu škole.

U 2012. godini odlučilo se nastaviti s projektom, ali s drugom ciljnom skupinom. U 2011 godini radilo se na pripremi programa i razvijanju koncepta za rad sa djevojkama u Varešu u sklopu projekta *Zdravlje iz priorde* – istraživačke radionice za djevojke, kako projekt sada nosi naziv.

2.4 Intercity teatar projekt 2011.

Andrea Mijatović, dipl. psih., projekt koordinatorica

U *Intercity teatar projektu* volonteri iz različitih zajednica svoju poruku o prevenciji ovisnosti prenose teatarskom predstavom. Ovaj projekt je u 2011. doživio znatne izmjene u odnosu na prethodne cikluse jer je fokus prebačen na to da što veći broj mladih stekne konkretna znanja o prevenciji i ovisnostima.

Srednjoškolci iz pet općina (Breza, Hadžići, Istočno Sarajevo, Pale, Zenica) imali su osam jednodnevnih radionica i šestodnevni trening na kojem su sa stručnjacima za teatar, prevenciju ovisnosti i rad s mladima stekli znanja o konkretnim ovisnostima u svijetu i BiH, te su razvili vještine da pomoću radionice i teatarske predstave prenesu svoja znanja i ideje drugim srednjoškolcima.

Treneri su s volonterima pripremili četiri **radionice na teme: alkohol, kockanje i klađenje, lake droge i internet**, kroz koje su obradili ovisnosti najprisutnije među mladima u bh. društvu.

Radionice su bile usmjerene na to da daju informacije o kojima mladi malo ili nimalo znaju te na taj način razbiju mnoge predrasude o ovisnostima i osvijeste ih o situaciji u njihovoj okolini te o tome šta oni sve mogu uraditi kako bi poboljšali stanje. Te radionice i **predstavu *Tiket za pakao***, koja govori o opasnostima kockanja i klađenja za mlade ljude i promjenama koje ova ovisnost donosi cijeloj porodici, volonteri su održali u školama iz kojih dolaze, skupinama od oko 20 srednjoškolaca. Ista skupina je prisustvovala predstavi i ciklusu od četiri radionice te je ukupno, u razdoblju novembar – decembar održano 20 susreta.

U predstojećem razdoblju bit će rađena evaluacija s volonterima, sudionicima radionica i suradnicima u školama kako bi se utvrdilo koliko su ovim načinom rada ostvareni ciljevi te da bi se, na osnovu toga, osmislile aktivnosti u drugom dijelu ciklusa.

2.5 Preventivni magazin PREVENTEEN

Andrea Mijatović, dipl. psih., projekt koordinatorica

Preventeen je omladinski preventivni magazin koji kreiraju volonteri - srednjoškolci i studenti, a **besplatno se distribuira** školama, omladinskim i drugim organizacijama **diljem BiH**. Magazin se priprema na redakcijskom sastanku i radionici, prilikom čega dopisnici, uz podršku uredništva i gosta stručnjaka, razrade svoje ideje.

U posljednjoj godini, objavljena su četiri broja:

Mart/ožujak	<i>Preventeen</i> 17	<i>Moje tijelo je moje tijelo</i>
Maj/svibanj	<i>Preventeen</i> 18	<i>Tinejdžerski bunt</i>
Septembar/rujan	<i>Preventeen</i> 19	<i>Šta je čovjek bez životinja</i>
Decembar/prosinac	<i>Web-stranica</i> 20.	<i>Sport:Droga 1:0</i>

Trening iz prevencije ovisnosti i osnova novinarstva za nove dopisnike održan je 22. 6. – 25. 6., a na njemu je sudjelovalo **16 učenika** prvog i drugog razreda **iz deset općina**. Posljednjeg dana treninga održan je redakcijski sastanak u prirodi na kojem su aktivni i novi dopisnici imali priliku bolje se međusobno upoznati te pronaći zajedničke interese i dogovoriti teme za rad.

Kao i uvijek, zbog povećanja obima obaveza, neki volonteri nisu više aktivni te je **ukupan broj dopisnika 40**. To su srednjoškolci i studenti iz: Doboja, Fojnice, Goražda, Istočnog Sarajeva, Jajca, Novog Travnika, Pala, Prozora, Rogatice, Sarajeva, Travnika, Vareša, Velike Kladaše, Viteza i Zenice.

Evaluacije za brojeve izdane u 2011. godini radili su stručnjaci iz oblasti gendera, novinarstva i omladinskog rada koji su ukazali na aktualnost sadržaja i njihovu prilagođenost mladima, ali i potkrijepljenost stručnim informacijama. Kao sugestije dali su nužnost daljnje edukacije o gender pitanju, poboljšanju dizajna i kvaliteti štampe te su ukazali na neke nove teme.

S obzirom na prestanak financiranja od strane donatora i nemogućnost iznalaženja mogućnosti za kontinuirano financiranje, krajem godine dogovoreno je da magazin *Preventeen* prestane izlaziti u tiskanom obliku, a da se pokrene **web-stranica preventeen.ba** koja će nastaviti djelovati u jednakom smjeru, uz proširenje sa isključivo pisane riječi na izražavanje u drugim formama (audio, video, fotografija itd.). Stranicu će voditi *Preventeen kreativni tim* sačinjen od suradnika i volontera, a www.preventeen.ba postat će aktivna početkom 2012. godine.

2.6 Intercity media projekt

Andrea Mijatović, dipl. psih., projekt koordinatorica

Volonteri/ke *Intercity media projekta* znanja, koja su stekli i uvježbali u prvom dijelu projekta, pretočili su u vlastite **videopriloge u trajanju od oko deset minuta** koji govore o životu mladih u njihovom gradu, s naglaskom na prevenciju ovisnosti i mogućnosti za zdrav i kvalitetan život mladih, ali i dajući kritički osvrt na sve ono što bi se moglo poboljšati kada je riječ o njihovom statusu.

Iako je okvirna tema bila zadana, mladi su imali priliku razvijati svoju kreativnost te istraživati situaciju da bi izradili scenarij, odnosno precizirali o čemu konkretno žele snimati. Na taj način, uz stručnu potporu *Fondacije za kreativni razvoj*, **izrađeno je šest priloga**:

Ilijaš – Mladi ilijaški glumci amateri
Fojnica - Angažiranje mladih u društvenom životu
Travnik – Glazbenici, preko trnja do zvijezda
Sarajevo - Od ideje do *Preventeena*
Ilidža – Izviđanjem protiv ovisnosti
Vareš – Mladi Vareša u projektima UG NARKO-NE

Filmovi su prikazani u dva termina u omladinskoj emisiji *Hayd u park*, na javnom TV servisu te su **postavljeni na web** da bi bili dostupni što većem broju gledatelja. Nakon završetka rada na terenu volonteri su u dva dana obnovili znanje o montiranju videomaterijala da bi stečena znanja mogli upotrijebiti i u drugim prilikama.

2.7 Jubilarne 10. Interkulturalne kreativne sedmice/tjedni 9. 7. – 9. 8. 2011. godine u Vitezu i Varešu

S. Magdalena Schildknecht, direktorica UG NARKO-NE

„Sada je došlo vrijeme da pokažemo i slavimo naš rad, tj. naše **dostignuće u deset godina ulaganja za prevenciju ovisnosti** u našem gradu te pet godina u Varešu“, ovim riječima su se Emina i Kenan, volonterka i volonter desete generacije sudionika projekta *Interkulturalne kreativne sedmice/tjedni IKS*, obratili raznolikoj publici koja se okupila petka 29. 7. 2011. godine u Kino dvorani Vitez. Zajednički osmišljenom i izvedenom pjesmom **We are all different but the same - Svi smo različiti, ali ipak isti** predstavljen je svojevrsni sažetak iskustava i dostignuća projekta. U deset godina više od 340 srednjoškolaca/ki iz: Viteza, Vareša i Busovače, te 102 studenata *Visoke škole za umjetnost i socijalni rad*, ali i studenti *Pedagoške visoke škole iz Švicarske*, tijekom mjesec dana, realizirali su zanimljive i zabavne aktivnosti za zajednicu u vidu zdrave alternative drogi i ovisničkom ponašanju.

Prvi zajednički susret svih sudionika projekta IKS 2011. održan je već tradicionalno u **Visokom**, gdje se usuglase planovi za četverotjedno volontiranje. **U Vitezu** je to rezultiralo **projektima u dječjem vrtiću** (popravljanjem klupe, izgradnjom nogometnog terena s malim golovima te velike drvene igrice). Jedna skupina posvetila se kreativnim rukotvorinama („little friends“), a **u romskom naselju Sofa** volonteri su svakodnevno uključivali djecu u **kreativne radionice**. **U Varešu** su volonteri spremali kazališnu predstavu, izgradili drvenu kuću u dječjem vrtiću te pravili rekvizite za projekte.

Na Zapadu prevencija ovisnosti počinje već u predškolskom dobu. Djeca borave u tzv. *Vrtiću bez igračkaka*. Na taj način ona sama osmišljavaju aktivnosti protiv dosade te koriste skoro neiscrpnu kreativnost, najvažniji zaštitni faktor protiv ovisnosti. Da bi i naši mladi ponovno otkrili prirodne izvore snage, ove godine prvi put organizirali smo **trodnevni vikend u lovačkom domu Igriste Vareš**. On je udaljen od civilizacije i modernih sredstava zabave koje se i često povezuje s ovisničkim ponašanjem. A **princip Vrtića bez igračkaka** djelovao je i kod naših tinejdžera: „Dok su se jedni zabavljali igrajući igru pogađanja, drugi su vrijedno radili na našoj pjesmi. Nakon toga je na red došla najbolja aktivnost dana - „masaža“. Večeru ne trebamo posebno hvaliti, bila je odlična kao i uvijek. Nama najdraži roštilj. Nakon toga kiša je počela snažno padati, ali se nismo dali prekinuti u pričama i pjevanju oko logorske vatre. Pjevali smo tako glasno da čak ni medvjedi niti vukovi nisu mogli zaspati.“ (Vijesti, 28. 7. 11., Faris i Flu)

Kao svake godine, tako smo i ove unaprijed **educirali volontere za rad sa javnošću**: 12 puta se projekt predstavio u javnim bh. medijima, kreiralo se 11 priloga za web-stranicu www.narkone.org i za blog <http://iks2011.tumblr.com/>. Prilikom desetogodišnjice priuštili smo si **snimanje dokumentarnog filma** koji je uradila Produkcijaska kuća *Magazin plus d.o.o. Visoko*, <http://www.youtube.com/watch?v=mcQrW6QBUrI>.

Film se emitirao u cijelom svijetu pomoću satelitskog programa televizije *Hayat*.

3. Događaji/Proslave

3.1 Proslava Dana Udruženja UG NARKO-NE

Andrea Mijatović, dipl. psih., projekt koordinatorka

Ovogodišnja proslava odvijala se pod motom: **Za zdravlje!** čime su se željela kombinirati dva segmenta – činjenica da je *Dan Udruženja* proslava te kontinuirani rad Udruženja u oblasti prevencije ovisnosti i zdravlja.

Program su činili:

- **Zanzibar**, bezalkoholni koktel bar
- **Izložba plakata o projektima**
- **Obraćanja:**
 - s. Magdalene Schildknecht, direktorice UG NARKO-NE*
 - Prof. dr. Ismeta Dizdarevića, predsjednika UG NARKO-NE*
 - Nj. E. Andréa Schallera, ambasadora Švicarske u BiH*
- **Nastup** skupine djece iz naselja Sofa - Vitez

- **Predstava** *Tiket za pakao - Intercity teatar projekta*
- **Predstavljanje projekata** (*Igrom do prijateljstva; Radionice za učenje; Radionice u Dnevnom centru; Follow ups; Stariji brat, starija sestra; Preventeen; Intercity media projekt*) pomoću videa, računarske prezentacije i skečeva.
- **Premijera dokumentarnog filma** *We are all different but the same* o deset godina *Interkulturalnih kreativnih sedmica/tjedana IKS*, produkcija *Magazin plus*
- Dodijeljeno je 136 **uvjerenja i certifikata volonterima/kama angažiranim u projektima u protekloj godini.**

Na događaj su pozvane i 23 medijske kuće. Događaj je najavilo pet radiopostaja, a proslavu su izravno popratile tri televizijske kuće. Također, volonteri i zaposlenici gostovali su na dvije televizije, a događaj je opisan na sedam web-stranica. Nakon završetka događaja radiopostajama, portalima i novinskim kućama, koje se nisu odazvale, poslan je izvještaj s fotografijama. O proslavi su izvijestili, ili je najavili:

TV TV 1, Televizija HEMA, TVSA, RTV Vogošća, RTV Alfa, Magazin plus
Radio Radio 8, Radio Kalman, Radio TNT, Radio Travnik, Radio KISS
Web sarajevo-x.com, bljesak.info, source.ba, hercegovina.info, fonss.org, carbkbi.org, mladcentar.org

Prateći segmenti programa bili su:

- *Nagradna igra* – Sačinjavala su je 33 pitanja o sadržajima i aktivnostima u projektima i menadžmentu u UG NARKO-NE.
- *Zakuska* koju je pripremio *JU Studentski centar Sarajevo*
- *Dodjela darova* u znak zahvalnosti za doprinos nekim volonterima/kama i suradnicima/icama.

3.2 Proslava 10. godišnjice Međunarodnog dana volontera, 5. 12. 2011.

s. *Magdalena Schildknecht*,

„Postoji li još nevladinih organizacija koje bi zajedno proslavile 5. decembar - Dan volonterizma¹?“, pitali su se predstavnici tri nevladine organizacije: *KULT* (Institut za razvoj mladih), *KOHKO* (Kordinacioni odbor humanitarno-karitativnih organizacija *La Benevolencija, Caritas, Dobrotvor* i *Merhamet*) te *UG NARKO-NE* već u maju 2011.

Sedam mjeseca kasnije, u subotu, 3. 12. 2011. godine u 11.30 h, uz prisutnost brojnih medija, više od 200 volontera s područja Kantona Sarajevo i Grada Istočno Sarajevo okupilo se ispred Vijećnice te su, uz pratnju *Sarajevo Drum Orchestra*, krenuli ulicama grada Sarajeva do Trga djece Sarajeva gdje su napravili simboličnu milenijsku fotografiju. Nakon programa na Trgu volonteri su u *Domu mladih* proslavili svoj dan uz prigodan program i zabavu.

Jedanaest nevladinih organizacija uspjelo je prevladati barijeru nepovjerenja koja nas često razjedini te su doživjele da zajedničkim snagama mogu kreirati prostor u kojem volonterke i volonteri, bez obzira na nacionalnost, religiju, društveno-ekonomski status i dob, mogu doprinijeti stvaranju pozitivnih promjena u društvu.

Volonteri su najznačajnija snaga svakog društva, pokretačka snaga humanosti i nositelji vrednota ljudskog potencijala.

4. Rukovodstvo organizacije i osoblje

Magdalena Schildknecht, direktorica UG NARKO-NE

4.1 Djelovanje Upravnog odbora


Upravni odbor je održao ukupno tri Sjednice i Godišnju skupštinu. Na sjednicama se redovno vodio zapisnik koji se arhivirao u Udruženju.

Datumi sjednica i teme o kojima se razgovaralo i raspravljalo:

- 15. 2. 2011. g. Pripreme za Skupštinu 2011. g.; predstavljanje nove urednice *Preventeen* - Olje Latinović, BA hist. umj. i bibl.
- 7. 6. 2011. g. Usvajanje zapisnika sa 9. godišnje Skupštine *UG NARKO-NE* od 29. 3. 2011.; predstavljanje nove članice tima mr. sc. Nataše Kovačević, psihologinje; izvještavanje o snimanju razvojnih potreba *UG NARKO-NE (Needs assessment)* i o planu za osiguranje standarda kvalitete.
- 18. 10. 2011. g. Izvještaj i rasprava o realizaciji proslave *Dana Udruženja* 1. 10. 2011.; razmjena mišljenja o *Nacrtu Pravilnika o financijskim poslovanju UG NARKO-NE*, rasprava o planiranim promjenama u konceptu za *Preventeen* uoči povlačenja internacionalnog donatora DCV.

¹ Generalna skupština UN je 5. decembar proglasila *Međunarodnim danom volontera* kao podsjetnik na dan kada je 1970. stvoren Program UN-a. Europska komisija je 2011. godinu proglasila godinom volonterizma s ciljem povećanja ovakve vrste rada i jačanja svijesti o njegovoj vrijednosti.

4.2 Organigram



4.3 Osoblje

RUKOVODSTVO ORGANIZACIJE	
Predsjednik	Prof. dr. Ismet Dizdarević, profesor psihologije
Zamjenik predsjednika	Fra Stipan Radić, ravnatelj HKO <i>Kruh sv. Ante</i>
Upravni odbor	Ivona Čelebičić, <i>UG proMente</i> za socijalna istraživanja Marija Grabovac, Služba za društvene djelatnosti, Vitez Sanja Horvat, menadžer projekta <i>Caritas BK BiH</i> Dejan Miković, Služba socijalne zaštite Centar Atifa Mutapčić, Služba socijalne zaštite Vogošća
ZAPOSLENICI/SURADNICI	
Direktorica	s. Magdalena Schildknecht, lic. phil. I, psih. i ped.
Projekt-koordinatori 2011./12. g.	Alma Hadžiskakić, dipl. scr., <i>Stariji brat, starija sestra</i> , od septembra '04. g. Andrea Mijatović, dipl. psih., <i>Intercity teatar</i> i <i>Preventeen</i> , od 1. 4. '08. g. Alena Velagić, dipl. psih., <i>Usavršavanje mentora/ica</i> , od 1. 5. '10. g. Aida Brdar, dipl. scr., <i>Usavršavanje mentora/ica</i> , od 1. 10. '10. g. Nataša Kovačević, mr dipl. psih., <i>Program menadžment</i> , od 21.2.11. g. Aida Šehagić, aps. psih., <i>Administrativni sekretar, računovođa</i> , 1.7. 09. g.
Pripravnica 2011./12. g.	Mahira Brdarić, BSc. scr., Služba socijalne zaštite, Vogošća, od 1.3.12. g. Dženana Torlak, BSc. scr., do 31.5.2011
Ugovor o djelu 2011./12. g.	Olja Latinović, BSc. his. umj. i bibl., <i>Preventeen</i>
Stručni saradnici u 2011./12. g	Irena Ljevak, dipl. bos. jez. i novinarstvo, <i>Preventeen</i> Ivan Kutleša, dipl. iur., <i>Preventeen</i> Adna Hindija, stud. psih., <i>Stariji brat, starija sestra</i>

Sarajevo, 23. 3. 2011. godine

Predsjednik UG NARKO-NE

Prof. dr. Ismet Dizdarević

